



Universitätsbibliothek Paderborn

**De Vita, Et Gestis S. Francisci Xaverii È Societate Iesv
Indiarvm Apostoli Libri Qvatvor**

Bartoli, Daniello

Lvgdvni, 1666

21. Mahumetano filium in mare lapsum, sexto hinc die restituit.

urn:nbn:de:hbz:466:1-10854

cubiculum, pauloque post in scapham cum puerο descendi, iubet manu caua ex mari aquam ut hauriat & quid sapiat gustet; tum querit ex eo vtrum dulce an salsum? puer salsum respondit; vrget iterum gustatu experiri salzane an dulcis; morem gerit puer, & dulcem renunciat. Tunc vero repetita naui Saranghen aduocat secta Maurum, nautis per eum mandat, quoquot essent in naui vasa aquae idonea expediant omnia, & parent; iis sursum deorsum tota naui magno statim numero collocatis, aquam haustum imperat infundi, eaque impleri: quod dum faciunt, hic siti pressus; alius præcoci curiositate saporem explorant, & natuum ut erat sentiunt. Post quæ Xauerius signum crucis in vasa omnia manu dicit, illaque omnium, vna simul consignatione aquam omnem illorum salzam, puncto temporis, dulci aqua mutat, sed usque adeo potentibus grata, ut omnes assererent Banghanis aquis esse meliorem, ad quas nauitæ solent tanquam ad optimas aquari. Quam effusa vel hilaritate, vel religione potius hoc donum celebrarit nauis, quisque facilè cogitabit, miraculum omnes exclamare, Xauerium ingeminare sanctum; pedum, & manuum osculis, gratisque agendis confertim fatigare, is vero admonere Deo illum honorem, & gratias haberent ac redderent; non sibi homulo, & peccatis onusto. Huius tamen adē insperata, grandisque letitiæ pars princeps ad illum peruenit, multos enim suis cum familiis Saracenos, eo conuictos prodigo, verum Deum professos & baptisatum poscentes Christo lucrificit, & communibus vectorum gaudiis hunc cumulum addidit. Aquæ porro illius Beati Patris adprecatione in dulcem mutata, residuum illud quod post usum abunde superfuit, vectorum præcipui quique, inter se certatim partiti sunt; ac primum quidem in monumentum miraculi, & in reliquias viri sancti religiose asseruarunt, vertere deinde in morborum remedia, quæ multis per Indias sanitati fure, vna eius aquæ stilla restitutis.

Non fuit quod sequitur, tam largo in multos beneficio diffusum, ut erat marinæ in fluvialem aquam conuersio; sed mirabilius, & diuinioris quoad rem operæ. Ferebatur nauis, cursu ventis & velis incitatissimo: fedebat in eius crepidine puer annorum quinque secure, ac placide, qui leui nauis inclinatione in id latus, præceps in mare deuoluitur, sorbeturque prius quam vela tot contrahi, & reflante vento, eximi aquis posset. Mahometi cultor pueri parens erat, dolore percitus, ima naui se abdit, suam & filij lamentaturus calamitosam sortem, nec maris aspectum sustinens quo sepeliri filium viderat, ægre tamen ex iis post triduum emergens latebris, sed neque dolendo nec plorando satur, Xauerio occurrit, qui cernens mœrore ac lacrimis obrutum, causam de qua nihil dum audierat ex eo inquirit. Ille filij casum ut contigerat flens narrat. Cui Xauerius mente intra se parumper collecta, quid si sit, Deus filiolum tuum in nauim restituat, fistatque illum tibi rediuivum, promittis te illi crediturum, & fore fidem Christianum? verè an falso, certè perfacile, & ultero promisit, fidemque obstrinxit: en autem post aliud triduum sub au-

21

Mahumeranus
filium in mare
lapsum, sexto
hinc die resti-
tuit.

L I roram

roram comparet filius in naui, margini lateris insidens ludibundus, & hilariis; sed planè ignarus, vbinam per illos sex dies egisset; aut qua manu, & modo redisset in nauim, hoc tantum meminerat se in mare prolapsum. Pater aspectu viuentis filij prope absuit ut extingueretur præ gaudio, nec vrgendus fuit ad promissi fidem, vltro illam, & liberalius etiā quam dederat præstisit, vxore si quidem, seruo, & filio secum ad Xauerium perductis, cum iis facto Baptismo lustratus est, filiumque Franciscum de liberatoris nomine appellauit. Duo hæc admirabilitas tam prodigiosa, vectorum oculis, animis que vehementer ac iucunde impressis, effecitque ut Cinecum aduecti racere illa aduenis non posset. Est Cinecum in oris Sinensem insula, mercatus frequens Indorum & Æthiopum concursu, insularumque maxime dissipitarum.

22

*Baptizans,
statura Gigantis
cōspicitur.*

Ij à vectoribus & nautis mirabiliter ab Xauerio gesta cū audirent, ad vindū illum subinde in nauē confluere; & fuit cū simul quā virti quā pueri sexaginta numero adstante, quibus ille in sua retia non absque tacito Dei nutu coactis, Christiana mysteria, legemque tradidit, nec finē dicendi fecerat, cū omnes confessi velle se fieri Christianos, erant autem ferē Mahometi sequaces, eadem in naui expiati sunt sacro baptisimare; in quo virtus dum eos tingeret, insigni prorsus sui spectaculum ignorans præbuit, tam procera enim supra suam staturā eminebat, vt ab iis qui erant irridente, scanno insistere putaretur, cum autem hoc illuc, sed eadem tamen proceritate se moueret existimatū id non humanitū fieri, exploratumque est diligentius, dixit enim pro testimonio Stephanus Ventura curiosior indagator, ad hoc se in nauim euasiſſe, vidisseque suis oculis S. Patrem, tabulato ut cæteros pedibus insistentem, seipso tamen gigantis specie altiore, pertinentemque procul ad fundendam aquam sacrorum fontium, in eorum capita quos tingebat, mox vero peracto mysterio, in natuā mensurā staturam & modum rediſſe. Cineci quoque miro modo, cuidam mortem prædixit. Portabatur ægrotus notorum brachiis in scapham, ex ea in nauim inferendus, persuasus ab iis se illic mitius quam in terra morbum, & tutius laturum. Xauerius qui tunc in littore diuini officij exsoluebat pensum, minime vero ait, quin imo in naui omnino moriturum: ægtoto nihilominus aut volente, aut eius baiulis salubre monitum parui pendentibus, ad nauim pergitur. Ferte igitur, inquit sanctus, quando ita vultis, sed scitote vos quem infertis viuum, elatueros paulo post mortuum. In nauim iniicitur, ingrauescit malum vehementissime, paucas intra horas defungitur, ab iisdem qui eum detulerant ad sepulturam exportatur. Cinco versis Sancianum velis (vbi est Sinarum cum Lufitanis negotiatio) Cantonem diu iam præterierant, cum putarent illò se adhuc tendere, Xauerius certiore instinctu, retro longe Cantonem relinqui afferit, cui dum minus fidei darctur, iusto longinquis nauigatio ferebatur, nisi eam demissis velis inhibuisset. Præfectus nauis, dum recepta scapha quam in proximum littus miserat speculatum, de cursu itineris disceret. Sed ea triduo integro male omnes tenebat sollicitos.